

# Rady ze swójbami a džěćimi džěła

Michelle Mikławškec je nowa sobudźelačerkka w Serbskim kubłanskim srjedźišću LIPA w Smjerdźacej. Džensa 22lětna pochadźa z Rachlowa pola Kulowa. Po maturje na Wojerowskim Lessingowym gymnaziju je so wona na studij socialneje pedagogiki a managementa na Fachowu wysoku šulu do Drježdźan podała. Loni w awgusće je so wona pola Serbskeho šulskeho towarstwa za džělom prašala a krótko po tym je džensniša Wojerowčanka w Ralbičanskim džěćacym dnjowym přebywanišću džěłała. „Při tym sym žlobik w Smjerdźacej kaž tež pěstowarnju a hort w Ralbicach zeznała“, wona powěda.

Wot 1. apryla tohole lěta je Michelle w LIPJE zamołwitosć za džělo ze swójbami přewzała. „Tutón nadawk so mi jara spodoba. Móžu něšto za swójby zeskutkownić a z poskitkami ludźi zwjeselić. K tomu słuša naša „zahroda talentow“, kotruž smy 25. junija wotewrěli.“ Derje jej čini, zo njeje w Smjerdźacej sama, ale zo skutkuje tam w teamje. Swoje začuće za socialne temy nosy młoda žona hižo dolho w sebi. Wšako je so, jako najstarša holca w kruhu 31 džěći Mikławškec wulkeje swójby, hižo sčasom wo młódsich bratrow a sotry kaž tež kuziny a kuzen-



Michelle Mikławškec  
Foto:  
Michaela Džisławkowska

kow starała, štož ju ženje myliło njeje. Tuž je jej tež džensa džělo z džěćimi přewšo lube. Tomu služa bjezdweła tež jeje hobbyje. Wona je rady ze swojim přecelom a swójbu po puću a wjele sportuje.

Mjeztym je Michelle zhromadnje ze sobudźelačerkami SŠT přeni wulki projekt w LIPJE na nohi stajila – „Zahrodu talentow“. „Mam tutu ideju za přewšo wunošnu. Wšako so na te wašnje wjesna zhromadnosć skruća“, wona praji. Michelle je była mjez přenimi, kotřiž su na přirodnym jewišću stali. Zhromadnje z koleginu je klankodźiwadło hrała. Nětko so wona toho nadźija, zo so dalši na nje zmuža.

■ Milenka Rječyna